

Риёзус солиҳийн шарҳи / Риёзус солиҳийн шарҳи / 254-ҳадис

254 - وَعَنْ ابْنِ عَبَّاسٍ رَضِيَ اللَّهُ عَنْهُمَا فِي قِصَّةِ بَرِيرَةَ وَرَوَّجَهَا قَالَ: قَالَ لَهَا النَّبِيُّ صَلَّى اللَّهُ عَلَيْهِ وَسَلَّمَ: «لَوْ رَاجَعْتَنِي؟» قَالَتْ: يَا رَسُولَ اللَّهِ؛ تَأْمُرُنِي؟ قَالَ: «إِنَّمَا أَشْفَعُ» قَالَتْ: لَا حَاجَةَ لِي فِيهِ. رَوَاهُ الْبُخَارِيُّ. [5283].

254. Ибн Аббос розияллоху анхумодан ривоят қилинади:

Барира ва унинг эри ҳақида келтирилган қиссада Набий соллаллоху алайҳи васаллам Барирага: **«Унга қайтсанг бўларди»**, дедилар. (Барира): «Эй Аллоҳнинг Расули, менга буюряпсизми?» деди. У зот: **«Мен ўртага тушяпман, холос»**, дедилар. У: «Менинг унга ҳожатим йўқ», деди».

Имом Бухорий ривояти.

Шарҳ: Ҳадиснинг тўлиқ шакли қуйидагича эди.

«Бариранинг эри Муғис деган қул эди. Унинг йиғлаб, ёшлари соқолига оқиб, унинг орқасидан айланиб юргани ҳамон кўз ўнгимда. Шунда Набий соллаллоху алайҳи васаллам Аббосга: **«Эй Аббос, Муғиснинг Барирани яхши кўриши-ю, Бариранинг Муғисни ёмон кўришидан ажабланмаяпсанми?»** дедилар. Набий соллаллоху алайҳи васаллам: **«Унга қайтсанг бўларди»**, дедилар. (Барира): «Эй Аллоҳнинг Расули, менга буюряпсизми?» деди. У зот: **«Мен ўртага тушяпман, холос»**, дедилар. У: «Менинг унга ҳожатим йўқ», деди».

Ушбу ҳадиснинг қаҳрамони Барийра розияллоху анҳо асли қибт миллатига мансуб аёл бўлиб, тўлиқ исмлари Барийра бинти Сафвондир. Баъзи ансорийларга чўри бўлган. У кишининг эри бўлиб, исми Муғийс эди. У ҳам қул бўлган.



HADIS.ISLOM.UZ
NUBUVVAT MARVARIDLARI